







PRINCIPIOS DO GALEGUISMO

- 1 - Galiza, unidade cultural.
2 - Galiza, povo autónomo.
3 - Galiza, comunidade cooperativa.
4 - Galiza, célula de universalidade.

A NOSTRA TERRA

(NUESTRA PATRIA)

Déspotas insensatos, forzá, forzáde grilos...
Nin a morte extingullos.
EDOARDO PONDAL

Ano XXXV - Núm. 486

BOS AIRES, 16 NOVEMBRO 1953

Redacción - Administración: Rúa BELGRANO 2186

Nación i Estado

Pra poder formarse un conceito claro e xusto do problema galego ou millor dito do problema ibérico en xeral, é mester establecer o verdadeiro valor semántico de dúas verbos, aparentemente sinónimas, pero, nom embargantes, totalmente desemeillantes entre si; son as voces Estado e Nación, que na Hespaña, unhas veces por inorancia, e outras adrede, coa manifesta intención de manter o confucionismo que sobor delas existe, nunca foron aclaradas, até por homes de sinificación política destacada, e por un xornalismo que, máis que en servir de vehículo cultural do povo, ocupábase end efender intereses de partido, de secta ou de casta.

O Estado é un ente xurídico, que debe ter por finalidade específica representar, defender i acrecentar o patrimonio económico, cultural, histórico, etc., da nacionalidade que representa. O Estado é o feito inmediato, a máis elemental finalidade funcional, que debe ter todo povo, porque o Estado é instrumento imprescindible de que ten que valerse pra conquistar os oxetivos que as tradicións históricas, e o desenrolo cultural i económico lle sinalan, encol da máis outa perfección posibel das particularidades que o personalizan, tales como son a música e demais creacións artísticas, o idioma e demais manifestacións culturais, interpretacións filosóficas, maneiras xurídicas por que se rixe; todo canto constitue o patrimonio moral e material, os xeitos vivenciais do seu existir. Non encher istas finalidades, refugar delas pra adoutar as alleas, é cometer unha estafa de lesa civilización; porque a civilización, de que tanto nos enorguecemos, non é outra cousa que as listintas aportacións das diferentes culturas, das particularidades, dos xeitos vivenciais, daqueles povos que souperon levalas a un outo grado de perfección. Povo que non da e que ten a ise patrimonio común que é a civilización universal, paga ista falla coa escravitude en que se sume, i-o desprecio que a súa falta de barileza acadá no concepto histórico; pero non existe a escravitude inda que se viva agrilloado por cadeas cando e ceibe o espírito, cando se ten conciencia e anxeios de liberdade; porque o espírito se non engaiola e se non somete a ningunha tiranía, tarde ou cedo, na crebar as cadeas en que o ser físico poida ficar sumido.

Si o Estado é un ente xurídico, ¿qué é a Nación? A Nación é unha comunidade natural, e digo natural, porque ao reves do Estado, non pode ser creación da determinación dos homes, por moito que sexa a esfornidade da sea acción, i-a ricaz densidade do seu espírito. A Nación xurde dun lento evoluir de séculos e orixínase nunha chea de factores que fican fora de esfera da vontade e de poder humano. A Nación danlle forma, vivencia i-espírito: a Historia, a Xeografía, a raza, as lendas e tradicións, os xeitos do desenrolo económico; en resume, todo canto compón un "medio". Iste "medio" convértese nun módulo potencial que tende a darlle

Homaxe a Companys

O día 15 do derradeiro mes de Setembro, celebrouse no Casal de Cata Luña, o aito de homaxe conque os cataláns honraron ao mártir das súas liberdades, Lois Companys. Dito aito foi presenciado por unha gran cantidade de público e contou coa adhesión de moitas entidades democráticas. Faláron - ademais do Sr. Amílbia - en nome do Consello de Galiza, o Sr. Bieito Cupeiro e pola entidade organizadora, o Sr. Ripoll; os cales fixeron un estudo das dramáticas circunstancias que orixinaron o sacrificio de Companys, e defenderon os dereitos que teñen os povos ibéricos á súa total e libre determinación.

por BIEITO CUPEIRO

personalidade a isa comunidade natural que é a Nación. Todol-os compoñentes dunha nación, teñen comúns caracteres étnicos, económicos, culturais etc., a Nación é un povo. Agora ben; sentada ista premisa, recoñecida pol-as ciencias políticas modernas e pol-a maior parte das correntes político filosóficas, dende as de dereitas até as de esquerdas, ¿non resulta ridículo e trabucado pretender axeitar a Nación as Estado, en ves de sel-o o Estado á Nación? O Estado pode empequeñecerse, agrandarse, destruírse ou modelarse, e polo mesmo, suscetibel de modificación. Pode ser - premitaseme a eispresión - natural ou antinatural, ou sexa, abranguer unha Nación ou máis de unha, sin que elo sinifique

que as Nacións sumidas baixo a hexemonia dun estado multinacional, deixen de ser tales polo feito de non teren dereitos políticos recoñecidos. A Nación en troques, non é suscetibel de modificación, xa que soio pode sufrir mudanza ao través dun longo percorrer de séculos. Emporiso o Estado debe ser o instrumento da Nación, pro ende-xamái a Nación o instrumento do Estado. Iste absurdo, iste trabucamento xurídico-político, é o orixe de todol-os males que dende catro longos séculos, veñen padecendo os distintos povos que compoñen o Estado Español, porque Hespaña non é unha Nación senón un Estado. Hespaña é un conxunto de catro Nacións: Galiza, Catañuña, Vasco-nia e Castela; rexidas por un soio ente político xurídico mal chamado Estado Español, porque en realidade non é outra cousa que o instrumento da domiñación castelán sobor dos demais povos de Hespaña.

Cada Cousa no seu Tempo

A miña boa amiga S. C. Recordando a súa nai

por KEN KEIRADES

O vello loitador galeguista, que co pseudónimo de Ken-Keirades é ben coñecido antre os escritores galegos, aos 80 anos de idade, atópase co espírito tan mozo como aos 20. Veleiqui a mostra.

A boa hora mangas verdes, dis que dí un refrán antergo, que é o que me socede agora co-iso teu porfiado empeño de que uns versos ch-éi facere, cal si estivera nos tempos en que á túa nai lle cantaba, con apaixoado estro, as cadencias máis sentidas, os máis frolicos arpxeos que a miña lira, inda virxe, lle arrincaba ao sentimento.

Nos tempos que frolescian tolas ilusións no peito: todo o mundo era un xardín, todo azul eran os ceos, o sol raiaba na i-alma, sin nubens o pensamento; ¡pro, miña santa, arrepara onde vai xa todo aquilo!

Os tempos foron pasando, perdéume a lira os acentos, e da vida, os desencantos, deixánome o peito seco; as inxustizas dos homes, máis que os anos que correron.

Tantas me fixeron, tantas, e con istinto tan fero, que cando a pensar me poño, sinto que non haxa inferno pra que os feitores do dano, que con saña me fixeron, foran pol-a porta grande a comer lume alí dentro e pagar alí en xustiza canto eiqui deixaban feito. S-é que o hai, uns poucos d-eles xó estarán alí comendo i-os que faltan irán indo, pois perdoarles non penso, que cousas hai que non teñen perdón de Deus nin do demo, anque nin a un nin a outro lle importen, según entendo. ¿Cómo qués, pois, que che canto co-ista carraxe que teño? ¡Estáche boa a zanfona pra se pór a darlle ó ve!

Sin hourizontes na i-alma, coma non sexan ben negros, sin ilusións nin esperanzas que ó peito lle den alento, non poido arrincarlle á lira senon discordes acentos.

Mais ti, porfia e porfia en que ch-éi facel-os versos, cal si poidera dar zume un pau que caeu de seco, ou voar un paxariño que as aiñas lle raeron. ¡Probiña da miña lira que tal che terá o tempero!

Xa ves o que d-ila sae, anque en forzala me empeño. Non son queixumes de rula, non son tríos de xilgueiro, nin cantos de cotovia, nin asubios de melro; só berros serán de pégas ou chios de lagarteiro. Non son pétalos de rosas, que as auras esparaxeron; non son ramiños de frúndio, dandos soaves e frescos, nin recedentes tomillos, que as ramiñas estendendo, estreleceen as rosíñas arrentes dos sibadeiros; non son brancas azucenas nin craveles abribeiros; só unhas cantas follas secas das que voaron co vento que aquí e alá fun axuntando pra sair coiste esperpento

Non lle des voltas, amiga: cada cousa no seu tempo.

LIBROS GALEGOS

En venda na Irmandade Galega

SEMPRE EN GALIZA por Alfonso R. Castelao

AS CRUCES DE PEDRA NA GALIZA por Alfonso R. Castelao

FARDEL DE EISILADO por Luis Seoane

PRESENCIA Y HONDURA DE CASTELAO por Marcial Fernández

A NOSTRA TERRA Número extraordinario adicado a morte de Castelao

SEARA NOVA Revista portuguesa adicada a Castelao



(Ven da páx.

PREGUNTAN OS "RABANITOS" se non nos intresa a súa pré-dica "y lucha tenaz" - moito falan estes hespañóis - contra o ré-xime "hispanista", etc., etc...

Contestamos: Non nos intresa a vosa cháchara hespañoleira e centralista no seo das nosas institucións, máis aínda, refugámola e despreciamola por reaccionaria e antigalega. E nos está parecendo moi ben, que metades violín en buisa e vos vaiades coa música a outra parte, que nós os galegos sabemos ben onde nos proe e como debemos rafiarnos...

"LAUDEMUS RIANJES"

"Laudemus" a parvés dos parvos, aparvados pol-a parvés conxénita dos mamalóns apouvigados pol-as verbas estranxeiras do idioma asoballador...

Louvemos Rianxeiros, todo o noso, e refuguemos aos mamalóns decote dispostos a aceptar o que nos imponen os estranxeiros coa teima de desfigurar o noso xurdio espírito galego.

Louvor a tí, ¡Ou Rianxo!, terra do ilustre Castelao, terra de Rianxeiros, nome sonoro i enxebre, terra de mariñeiros e labradores...

¡ERA O QUE NOS FALTABA!... Na plaga de "rabanitos" hespañoleiros que aitualmente asolaga á Federación, aparesceunos un "lustra" do idioma de Cervantes, quen co tido de "Contrabandismos" escribe moi foncho: "Abundan los pistoleros del idioma castellano. No les parece un mayúsculo absurdo, eso de que en los ómnibus se diga "correrse" a los que están "parados"? E non che parés a tí, ché, Marcos, que debías "correrse" pra o Club Español, poñamos por caso, e deixarte de facel-o parvo?

UN "RABANITO" que firma F. Oliveira e que por lóxica do apelido non ha ser de Murcia, nen tampouco da Estremadura, fai unha eifaltación do país galego, hoxe tripado pol-os yaniks pra mor das Bases, e logo ponse a saloucar: "El idioma castellano tal vez pronto decidan suprimirlo por el inglés, etc..."

Decime ché, Oliveirita: ti és papaleixón, ou qué che pasa? ¿Qué xarope che deron os "rabanitos" hespañóis pra pensares así? Dende cando o castelán é o idioma de Galiza?...

Ten en conta, que si os yaniks chimpanan o idioma castelán e os casteláns fora do territorio galego, é algo que teriamos que agradecer-lles, que nesa laboura estamos nós...

A FERRAMENTA DE DON PATRICIO... O bon de Don Patricio o "galiciano" en visporas de sair o periódico, uns amigos, coa teima de facerlle unha broma, agacháronlle o lápis e o coitado andaba todo desacougado na súa procura. E vengo que non daba con ele, ameazou todo carraxento: se non me dades o lápis, mañán non hai periódico... ¿Qué pavero que é este Don Patricio!...

LORENZO FRAGOSO.

Aito de "Galeuzca"

Os mozos galegos, vascos e cataláns, orgaizados baixo a denominación de "Galeuzca", que tanto eisito acadaron no aito levado a cabo derradeiramente no casal do A. B. C. de Corcubión; dispónense á programación dunha nova xeira de fraternidade, que terá por escaario as instalacións do "Euzkochococa", prestixioso club

vasco desta cidade. O novo aito consistirá na presentación de números folklóricos das tres nacionalidades, a cárrego de conxuntos de diversas especialidades artísticas, os que sen dúvida superando aínda a derradeira situación, constituirán un gran atractivo cheo de vida e coorido; habéndose fixado o 16 do próisimo mes de Nadal como a data da súa realización.

Galiza e as Bases

(Ven da páx. 1)

nese troque se teña pra nada en conta a opinión da súa poboación, sempre ficará baixo un poder alleo que non comprende ren das súas necesidades, dos seus intereses e ideas. Pode secáis operarse un certomelloramento dalgúns aspectos da vida galega, porque unha cousa é ficar sumidos ao atrasado imperio de Castela e outra moi distinta estar baixo un Estado técnicamente superior, pro con elo non nos engailamos, porque os bós galegos temos que ter conciencia e sentimentos de Patria e ademais acobillamos no noso espírito sentimentos democráticos, e non podemos aceptar nunca de bon grado un réxime que leve implícito un estado de sometimento d-un povo por outro, e de tal xeito, a negación da máis xusta conquista das ciencias políticas modernas: o dereito á libre de-

terminación dos povos.

Os galegos non queremos aturar ningún ha eras de dominacións alleas, nin a fracasada hexemonía castelán nin a egoísta e inhumán brutalidade dos novos amos, que apesares do pseudo liberalismo que pregoan, teñen sumidos aos povos d'América nun degradante colonialismo, e cuia falacia pouse de releve co recente feito de opadriñar ao meirande tirano que tivo Hespaña, logo da cháchara publicitaria empregada na última guerra, cando se facía pasar por abandonada da democracia, etc. etc.

Galiza dos galegos ao servizo da humanidade, iste debe ser o noso lema, xa que nestas poucas verbas encérrase para a nosa Patria todo un mundo de posibilidades e ademais os galegos sóio poderemos lograr as nosas reivindicacións de resultados do noso esforzo coletivo.